

Praktis 4 Sajak Dalam Persekitaran Kata-kata

Soalan 1 – 5 berdasarkan bahan di bawah ini.

Baca bahan di bawah ini dengan telitinya dan jawab soalan-soalan yang berikutnya.

Dalam Persekitaran Kata-kata

“Dia mencipta manusia.
Mengajarnya pandai berbicara.”
(Al-Quran, 55:3-4)

Engkau beri kami kata-kata
dan akal untuk mengucapkannya.
Kami pindahkan makna,
dari tempat ke tempat,
dari *zaman ke zaman*.

Engkau jadikan kami bangsa
berkulit sawo matang.
Belayar di samudera jauh
menjelajah pulau-pulau, dan berlabuh
di pantai-pantai semenanjung.

Kata-kata yang berselerakan
langit, bumi, laut, gunung,
awan, hujan dan pohon,
adalah persekitaran.
Seperti kami memetik buah-buahan
kami sunting istilah iman,
daripada kitab-kitab silam,
mentakrif tanda alam,
dan menjernihkan tafsiran.

Kata-kata mengembangkan pengalaman,
terbentang di semesta alam,
memaknakan kewujudan.

BAHA ZAIN

Dipetik daripada
antologi *Baik Budi, Indah Bahasa*, Tingkatan 2,
Kementerian Pendidikan Malaysia

1 Nyatakan maksud *zaman ke zaman*.

- A Masa ke masa C Tahun ke tahun
B Bulan ke bulan D Abad ke abad

Menafsir Aros R

2

Kami sunting istilah iman
Daripada kitab-kitab silam

Nyatakan kata-kata hikmat yang sesuai
dengan pernyataan di atas.

- A Bahasa jiwa bangsa
B Masa itu emas
C Muafakat itu berkat
D Membaca itu jambatan ilmu

Menafsir Aros R

3

“Dia mencipta manusia.
Mengajarnya pandai berbicara.”

Apakah persoalan yang terdapat dalam baris
pantun di atas?

- A Bahasa kekal sepanjang masa.
B Bahasa sentiasa berkembang.

C Bahasa mempunyai pelbagai fungsi.

D Bahasa ialah anugerah Tuhan kepada
manusia.

Memahami, Menganalisis Aros S

4 Bangsa berkulit sawo matang dalam sajak ini
menjadi

- A pengkaji bumi.
B pendaki gunung.
C pengembara di lautan.
D pemetik buah-buahan.

Memahami, Menganalisis Aros S

5 Yang berikut merupakan pernyataan yang
benar berdasarkan sajak **kecuali**

- A Tuhan menjadikan bahasa untuk manusia
disertai akal.
B manusia menggunakan akal dan bahasa
dari zaman ke zaman.
C manusia mendapat manfaat daripada
semua ciptaan mereka.
D dengan ilmu, manusia dapat memahami
kewujudan alam.

Menganalisis, Mengusun Aros T